

**Perlis Berpotensi Sebagai Lokasi Industri Marin - Raja Muda Bernama**  
**19 Mac, 2012**

KANGAR, 19 Mac (Bernama) -- Industri marin berpotensi besar di Perlis sejajar dengan perkembangan pembangunan kawasan pesisir pantai khususnya Kuala Perlis, titah Raja Muda Perlis, Tuanku Syed Faizuddin Putra Jamalullail pada Isnin.

Menurut baginda, industri marin menawarkan peluang yang luas terutama dalam bidang pembinaan kapal dan bot, fabrikasi bot rekreasi, feri dan kejuruteraan marin selain industri sokongan.

Bertitah semasa melawat syarikat Perlis Marine Engineering Sdn Bhd (PME), satu-satunya syarikat pembuat badan kapal dan bot, di Kuala Perlis, baginda yakin industri itu mampu berkembang sejajar dengan kedudukan strategiknya apatah lagi Kuala Perlis bakal menjadi bandar maritim.

Baginda percaya, permintaan terhadap kapal dan bot akan terus meningkat terutama bagi permintaan tempatan di samping Indonesia dan Thailand.

BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=653313>